

Wie sich die Weiber / für / inn / vnd  
augen seyn / vnd ist gewiß / daß Gott  
solches auch an ihnen nicht werde vnges-  
strafft lassen / wie er denn Mosen vnter  
wegen in der Herberge wolte umbbracht  
haben / dieweil er seinen Sohn / nach sei-  
nem befehl nicht beschnitten / darumb  
muß sein Weib Zippora / ob sie wol eines  
Heydnischen Mannes Tochter auß Mis-  
dian war / iren Sohn beschneiden / denn  
im Text stehet Exod. am 4. Capitel / das  
sie einen Stein genommen / vnd ihrem  
Sohn die Vorhaut beschnitten.

Darumb was Christen seyn wollen /  
beydes / hohe vnd niedrige Personen / sol-  
len Gottes Gebott vnd Ordnung fol-  
gen / vnd die Kindlein / als bald sie gebo-  
ren werden / dem HERRN Christo zu  
tragen / vnd tauffen lassen / vnd dise nit  
mutwilliger weise vngetaufft ligen las-  
sen / zu vermeiden Gottes zorn vñ straff /  
auch die grosse gefehrlichkeit die darbey  
ist.

Der